

中後詩刊

廣百城書紙店發行

正取第一門

陳篤初

先生

損取第五門

羅勉侯

先生

正取第二門

張鶴廉

先生

捐取第六門

洪發綏

先生

正取第三門

林屏侯

先生

捐取第七門

林秉周

先生

捐取第一門

童枕谿

先生

捐取第八門

鄭元影

先生

捐取第二門

祝味回

先生

捐取第九門

陶慕唐
鄭千里

先生

捐取第三門

薩鼎銘

先生

捐取第四門

陳韻珊

先生

捐取第十門

陳翼才
陳寄今

先生

正取第一門陳篤初先生

物可勝天霜後見

魏道涵

人無負我雨中知

相較啼痕兵後對

吳韻珂

自携病影客中依

吾輩山林秋後意

梁道鈞

伊人江漢夜中情

月光覺入南中濕

黃念厚

江色看從臘後新

情如淡月煙中見

笑影

身是殘雲雨後歸

滿地漁樵歸後伍

鄭景澄

諸天仙佛坐中參

神俱燈聚閒中坐

林天晚

身似舟浮醉後歸

十郡民猶歸後念

鄭景澄

一家人亦夢中看

莫笑懶開還後墜

方子莊

纔看怒茁已中乾

鄰舍往還歸後約

劉筱棠

殿廬問答夢中恩

各健堪爲兵後賀

林乾舫

均貧徧是客中慚

尙繫人思身後樹

林筠孫

不窮我往夢中山

樹斷亭從山後出林天賦

月明村似水中浮

葛帔無歸慚後死林蕞樓

布衣有作見中興

以下副錄

歸覲綵衣兵後見

臥游畫卷客中隨

誰爲下榻山中夜

各自開門雨後天

較爲可恃貧中友

儘有難言亂後官

鴉聲城郭煙中夕

蟲氣池臺雨後秋

名在猶爲身後病

事過無使夢中勞

樂多早料憂中伏

譽盛旋驚謗後隨

羣蟄驚雷甯後覺

萬枯得雨亦中興

又驚葉落行中徑

但見雲橫去後橫

社事忘年俱後輩林椿丞
山居遺世隔中原

疏枝只可閑中看

寒水偏宜老後聽

衆所必爭居後智

兩皆無取執中賢

嶽色淡於秋後日

海聲大似夜中雷

天風亂瀑晴中雨

夜月明沙暑後霜

村橋

苔靜戒毋今後掃
竹佳惜不此中居
已負恩多稽後日
僅完事半逼中年
坐如奔海風中屋
思盡飛花雨後城

以下正監

裂纈裹創兵後夢
吮毫蘸血獄中書
照盡孤嫠兵後月
列如丞掾郡中山
又一闌干緣後院
直無屏障達中堂

不如昔日貧中味
猶是平生貴後心
廷爭換及南中謫
家祭睽於臘後歸
身了人猶爭後日
才孤天或靖中原

更助稽天來後浪
可矜拔地起中峯
看斗一人憂後世
過江多士感中原
寒水取澆官後臆
春陽藉起病中魂

揮之不去愁中念
持此安歸老後名
無病亦貪秋後出
所思正喜夜中來

冀本理明霜後朽
毛空愁合霧中冥
道乃益孤憂後死
功猶不顯愧中興
奔江笑有山中水
奪月防多雨後星

轉嚴取舍貧中意
更善行藏老後身
雲斷塔從山後出
林陰船似夜中行
蘇樵自足貧中計
菊醞猶遺死後辜
來同風雨軍中帖
散作泥沙宦後金
看偏難晚貧中日
恐定逾寒劫後山

以下副監

隣州雨足真中愧
昨夜春歸却後知

能共意長春後蓋
不如影瘦夜中燈
筇意多疲歸後見
燈情最苦病中知
自秘一篇身後見
未安隻字夢中懸
人於山色明中看
月在江聲靜後生
意無所主閒中坐
身各何來亂後看

幾家屋挂煙中樹
何處船來雨後江

山遠花猶春後見
月明鳥或夜中聞
疑有同林花後放
知無終夜月中懸
敗意掃如秋後葉
浮名踏作雨中泥
美滿意猶懸後日
蒼茫眼似隔中原
平明鳥坐煙中樹
小頃人看雨後湖

獎借不遑容後抑
溫存未及遽中捐

寒食雨清兵後似
江南山好客中非
所取何名身後集
那知許事掌中杯
山於貴客言中俗
雲自高僧去後寒
以杖自隨衰後我
與暫杯別病中人
感生髀肉間中將
嘲送頭皮老後官
河海衆流終後匯
乾坤萬彙盡中涵
轉赭樹皮秋後駁
沉青石骨兩中殭

兩

細屣巡花過後廡
輕衫犯露立中庭
承乏記隨公後至
偷生愧自賊中歸
春亦愁經兵後地
月如嬾照客中天
各有姓名誰後世
是何運會此中原
歎猶不用吾中策
戒勿徒矜汝後言
稱心夢且貧中靳
逆耳言難貴後求
倘獲太平身後足
若論名勝夢中佳

廉夫滿意逢中熟
宿士成名比後開
儼成墟集舟中火
若隔關河馬後塵
微生事亦風中轉
大造功多雨後收
乾淚造成身後史
繁憂竄入夢中詩
母賢屏斥官中物
兄摯溫存劫後身
東旭漸消春後凍
西風驟長夜中洪
日落疑開山後曙
霞飛看報海中春

樂非無地貧中我
死亦多門亂後人
無煩月早貧中夜
直使雲孤死後山
長安客苦南中謫
六月人貪午後眠

以下正斗

一塵作界那中外
萬物窮源孰後先
忍飢暫試貧中苦
稱疾長辭老後勞
遽如藏竹煙中剝
淨不容苔雨後岑

潭影淨勝秋後潦
野痕寒帶暝中蕪
明年歸建山中社
有客來敲雪後庵
守俱老監陵中樹
潰若殘兵堰後洪

充篋家書歸後檢
堆床客刺病中收
率多愛菊吟中客
猶及看潮試後人
闌如不肯愁中夜
開亦何須老後春

暴漲忽來春後冷
迅雷乍過日中情
篝車所望非中熟
梁棟相需在後凋

依稀鐘約煙中寺
次第簾開雨後樓
古綠漸辭霜後野
薄寒欲滿雨中城
愁從臘鼓聲中緊
興逐春燈燼後殘

解惜壤蔬饒後祿
勤收園殖穀中貲
抱孫私喜才中歲
禮佛奢求及後身
管甚人非身後傳
算爲我有腹中書
懸巖老樹寒中健
亘漢孤星曙後明
獨行政緣窮後炫
至文迺在僻中潛
日循流水聲中坐
人背寒花影後吟
野及田禾收後闢
沙于洲竹插中高

曲宴賞花陪後乘
清班視草值中書
更不讀書無後日
常難歸枕及中宵
雲板僧俱齋後定
煙簑漁似畫中藏
到家月比舟中白
去國山猶馬後青
移民議可還中寢
從賊心非或後原
待漏猶懸歸後夢
墜車不損醉中人
塔鈴獨語宵中月
舩火猶流曙後江

在閨青陽應後至
到明皓魄尙中行
病影扶過春後徑
詩魂喚出月中湖
絡緯催沉霜後月
春鋤衝破雨中煙
如約故人來後夜
自爲外世過中年
值得思量祇後日
教誰收拾此中原
輕衫釵影花中路
涼燭杯光雨後樓
綠雲浮盃茶中色
絳雪流匙粥後香

昌期昭著逢中熟
雅會延緣賞後開
山好纔從官後識
月明偏是客中看
惟有愛君身後諫
偶然憶奪夢中吟
看猶微曙烟中郭
坐似清秋雨後湖
摩崖拓取嵌中字
瘞碣鈔存跋後文
潛德表揚身後有
散材羅致眼中無
春風借我言中煦
秋草乘人去後滋

可痛首邱歸後僅
何愚面壁坐中頻
明當騎馬城中去
晚自驅雞屋後來
上街潦助南中濕
過歲春延臘後寒
似有涕淚兵後句
非無肝膽客中杯
萬事任歸春後夢
一生愛作月中人
孤憂翻遣人中集
衆謗須防我後隨
矯詔獄成乖後命
反騷代降失中聲

夢於雨槩昏中熟
詩在霜鐘定後成
可怕事難身後了
所思人卽夢中同
負手天從歸後看
倒頭世在夢中過
志合洛鐘能後應
力微魯縞不中穿
如羈囹圄貧中我
暫寄招提老後人
及從耆舊談中世
渾與嫠媿悟後身
達路戒心脂後軫
寢門悅色潔中裙

藏畫卽遺身中產
賣書如奪意中才
歌從燈火明中起
夢及爐香冷後迴
同里釣游期後日
隔江歌舞忘中原
沿路花香歸後盡
穿雲鳥影望中無
亂洪條奪沙中堰
繁綠俄回燒後郊

以下副斗

佳話百年身後史
壯遊六合夢中詩

故國風騷身後寂
大江人物眼中繁
玉笋清才多後輩
青梅舊夢各中年
覆雨手難遮後世
翻瀾舌可捲中原
迂能誤我貧中悔
善不昌人老後疑

誰教禮設其中桎
奚啻恩加自後鞭

微謗嘆猶身中及
全才恨竟目中無
獨有長鑱身後殉
莫非空甌夢中爭
舉家耕織原中產
隔世漁樵倘後身
壓篷林月寒中碧
上幔湖烟霽後青

善亦猶人毋後可
道惟於世欲中難

扶多人紀山中筆
頌及天恩雨後犁
虛名老尙移中屈
峻法今當杜後彈
斷苔成字碑中泐
瘦蔓好絃壁後張
邱陵屈盡峰中拔
星斗流殘月後傾
古月不思親後世
寒山自幸遠中原
太玄道破無中旨
圓覺教空了後觀
迭積歲時成後世
別開境界勝中州

夢化星辰通後掖
意懸風露立中墀
瀑布瀉光秋後澗
參旗倒影夜中河
薏米猶叢歸後謗
荔枝可佐謫中吟
坐知夜氣微中復
老較冬心久後恆
禪門儀注官中等
學舍聲名老後非
月明見在舟中數
山好遺於馬後多
蟬冕付祠齋後扈
雞竿矜獄赦中驩

分途釋老還中合
結局彭殤等後空
樽開花氣當中襲
槳過波紋向後旋
留有爪泥身後紀
分無尸冀夢中符
及見鼎興期後代
寢成甌脫慮中原
心疑樓閣空中有
眼見園亭劫後非
詩人如葉山中滿
佳節無花雨後寒
鬢縷乍鬆釵後蟬
唾絨微嘆扇中遮

稻蟹恐難肥後活
蓼蟲信自苦中過
一路青山歸後憶
今年南菊病中過
山遠默成歸後畫
月斜敲出夢中詩
田事一從兵後弛
山名多自客中詳
匯爲河脉山中瀑
現作天章雨後虹
僧言太華山中住
客約重陽節後歸
雖甘亦鳩官中酒
乃瘦如蛇老後書

入夢儼同歸後樂
得詩良覺病中難
海角避兵憐後死
嶺南坐謫望中興
不起死灰歸後意
已成癭木病中身
不妨葬向杯中去
如例眠從飯後來
還是無田歸後淨
眞如一室夢中佳
磬定巖湍如後續
船過湖淥欲中分
出寺鐘聲山後應
過橋筇影水中移

眼繚羞明燈後立
頰泚戀媚鏡中窺
賢者一言功後世
美人再顧禍中原
何處山多歸後默
今年春好病中違
紀勝彙編歸後錄
告存附寄病中詩
已換髻鬢歸後客
都蠲眼耳坐中僧
但從滯穗覘中熟
莫與柔條說後彫
已戮元勳求後贅
方承大統建中宜

騎年老雨無中斷
在閨寒花更後開
譽乃不虞身後集
交真莫逆手中杯
薄醉浪拋鐙後眼
淺粧絮問鏡中眉
勤護子山垣後砌
怕侵客水沼中區
寒深不識江中霽
陰重常疑雨後昏
讀山僧在舟中坐
取求兒從屋後歸
處窮怪底其中樂
爲惡看多厥後昌

腹枵怕置貧中閨
耳熱看橫醉後參
桑落香浮秋後酒
鞠通聲出夜中琴
諛墓反增身後醜
題門尤甚腹中誹
行窮斷石才中路
聽罷流泉更後峯
萬騎日昏塵後合
一帆風正水中分
寒疾關門秋後甚
冥行擗地夜中同
名留綽楔當中字
心愧屠蘇最後杯

疑是隔生兵後聚
歎爲同命客中羈
移風晚運憐中葉
望道孤身悵後塵
腰鞆輕盈屏後見
臂鞬英爽座中來
禮佛戒毋齋後破
學仙生合飲中逃
功在注疏期後輩
事同博奕痛中原
初開佛說非中土
一落兒啼已後天
屠刀忍遜官中筆
農畝勞如老後筇

鳳麟偶自人中見
螳雀都於我後忘
江南時篤吟中過
河北音書別後沈
香泥不礙晴中膩
錦水何需煖後肥
千樹無花春後冷
一星如月夜中晴
灘流漱月寒中句
沙氣蒸雲暝後黃
開眼有人料後夜
搥胸無地哭中原
重九喜逢兵後作
西湖惜在客中看

不辜明月謀中聖
輒失佳春坐後人
如聞蕩寇愁中酒
猶諱尋醫病後詩
牕紙岩霏吹後皺
船燈江霧散中明
吟僧巖瀑喧中過
醉叟河星沒後歸
移篷星動晴中海
紆策煙遲暝後村
聲眞奪汝由中慧
亦或輕人轉後恭
好夜笑言歸後月
大江景物望中烟

破若山雲歸後服
斜俱江雨醉中筇
樊籠能致雲中鳥
刀俎方需雪後魚
溪門潮作晴中健
巖磴雲成凍後慵
疑多佳石山中沒
恐有頑雲雨後留
就此小安歸後我
又須一別夢中人
月殊幽寂淪中禁
花亦莊嚴發後臺
亂草上心憂後日
殘陽挂眼看中原

猶多平韶卿中歲
或更風騷我後身
幾回客向花中醉
萬里人從雁後歸
五嶽收歸身後集
大江借作手中杯
兩問亦許吾中處
三古還嗟子後來
世變戒心兵後甚
家常樂趣客中無
息壤好從歸後覓
化城偶向夢中游
事有銳身翻後室
道能蓄氣故中充

十郡婦鬢兵後淚
一春母綫客中心
曾幾完人身後史
竟無餘子眼中詩
掩袂偏偷屏後眼
墮釵欲蕩帳中魂
官逋如益貧中病
兵死還強亂後哀
梯航所至猶中土
軒蓋相望盡後塵
亦算傷離秋後髮
幾疑坐謫雨中身
風雨掃除秋後徑
星辰拱衛夜中壇

書局隨身空後輩
酒杯在手小中原
如夢家人歸後見
無詩社日病中過
華屋非君身後有
高軒於我眼中無
重來舊燕貧中感
無語寒蟬謫後知
情猶渾噩山中世
氣始昭蘇雨後人
轉燭須臾過後夜
廻舟咫尺及中流
繁燈水郭烟中吐
清磬山堂雨後流

及老始榮花後放
因貧益烈火中焚
瘴雨吹燈昏後驛
火雲炙繖旱中城
擁絮能捱冬後苦
焚檀自遣夜中閒
如隔蓬山屏後遠
能收滄海囊中寬
親年悔自官中擲
天意期能我後迴
別墅待君歸後理
名藍借我病中居
編爲番戶防中土
嫁與詞人吃後身

人情流水貧中見
世事浮雲劫後思
山從落木繁中瘦
月到流雲盡後清
象筆糾儀書後至
鶉衣說夢頌中興
莫便引身辜後命
儘堪畜耳待中聲
溪未冰融春後凍
巖多樹蔽日中陰
事功粗就裁中歲
緣法重修或後身
通渠務去其中垢
種樹思乘以後涼

埋玉不爭身後地
量珠類買意中人
疑無異表人中鶴
恐但虛期我後龍
樽前螃蟹湖中舫
簾外芭蕉雨後屢
官位枯槁於後亢
人才餽飭厥中枵
公道從知衰後髮
眞源自認定中身
閒卜紫姑歸後驗
狂呼黃嬾夢中驚
妻拏除夕貧中過
朋舊天涯亂後逢